

شعر

كعب عالي

ناهد السيد



٢٠٠٦

كوب عالی



دار للنشر والتوزيع

اسم الكتاب : كمب عالى

اسم المؤلف : ناهد السيد

الإشراف العام : محمد الحسينى

المراسلات :

رقم الإيداع : ٢٣٦٤٠ / ٢٠٠٦

٢١ ش الصناديل بالجيزة

الترقيم الدولى : 8 - 12 - 6196 - 977

١٧ ش العطار بالجيزة

ت : ٥٧١٢٦١٨

تصميم الغلاف : كامل جراهيك

موبايل : ٠١٢٤٦٢٠١٦٠ - ٠١٠٢٣١٢٥٧٩

جمع إلكترونى : سوفت أيماج

الموقع الإلكتروني :

www.dar-nevro.i8.com

البريد الإلكتروني :

dar_nevro@hotmail.com

حقوق الطبع محفوظة

الطبعة الأولى

٢٠٠٦

جمهورية مصر العربية

لايسمح بإعادة إصدار هذا الكتاب أو أى جزء منه
أو تميزته فى نطاق استعادة المعلومات ، أو نقله
بأى شكل من الأشكال ، دون إذن خطى مسبق من
الناشر .

بِسْمِ اللَّهِ الرَّحْمَنِ الرَّحِيمِ

7 أن

باحب البطاطا
ريحة النونو المولود
لون عنين بنوته حاضنه الكتاب وسرحانه
شكل المطر على القزاز
صوت الشيش لما ييفتح حضنه لشموسة الصبح
الدخول فى البطانيه قصاد التليفزيون فى طوبه
تواشيح النقشبندى بعد فطار رمضان كل يوم
على القناة الاولى
تقليب صفحات كتاب يكسر هدوء مكتبه
فالكل يبص بتوهان
شكل الشارع ساعة الفجر
راجع فيه الصالح والطالح
مغربية ثومه
أفلام يوم الخميس والجمعه صابح أجازة
حزنى فى ليل الجمع

نوفمبر
جرس الباب وأنا بارتاح من قعدة مكتب
بأحب اللون الأحمر
وتاريخ ميلادى
وأسم ناهد السيد

فتحت نوتة تليفونى
وقعدت أدور
مش عارفه بالتحديد أنا عايزه مين
كل اللى أنا فكراه
انى إشتقت للأسماء
يمكن ألاقى ما بينهم حد غالى
أو صديق أو مجرد معرفه
لقيتهم كتير... يفوقوا عدد الصوابيع
بس الحروف جامده
وعنيا بينها مدغششه
بأسمع صحيح أصواتهم
من وقت للتانى
إزيك وإزى العيال
دورت على أسمى ف كلامهم
شبهت على حرف النون
قلبت فى النوته

.... وملقنیش

طوحتها

فلقننى مركونه على ظهر حرف الالف

باسم .. أم ضحى .

إن ضحكت ..
الضحكه بالمقاس
يادوب تبين ٣ سم ما يطلعوش السنان
الحواجب بصبه فوق
والرموش متخشبه
وحذارى م الدموع والا نفعال والحر
١٠ ساعات تقضيهم بالطول والعرض
لازم يفضل وشك مفرد مشدود
محسود ..
على أنك قادره تكونى عروسه حلاوه ..
طول الوقت .

خدى نفس طويل ..
قبل ما توصلى للعفره
وهدومك «الإكس بنسف» تسف التراب
ورموشك تجير
ليه تدى الفرصه لعيال الحاره كل يوم يزفوكى بشتايم
ويزعروا عليكى بكلمه قبيحه ما تقبليهاش
(الأبله جت)
وأنتى اللى تستحقى القاب كتيره
ما تستحملش قصيده بالعاميه تشيلها

خدى نفس طويل
وما تقلقيش لو حسيتى بدوخه
وشويه صداع .. ورعشه ف الركب والخ
طالما المناخير لفوق .. هتنقى بيها اللى يناسبك
وتنفضيه على ناصيه الحته
وهو من نفسه هيلغ فرا ر
مش هيفلت من الطين وأكوام الزباله
وإن قام سليم هيعميه الدبان

ولحسن حظك أنه ما ييلحقش يرجع
وأنتى بترجعى تتطمنى
بتسهى الحاره ..
وتطبطى على خطاويك تمشى ف الرايق
وتنفضى نفسك ف ربع الطريق وف نصه وف آخره

بتسد أنفاسك من ب الليل لحد الصبح
ما بتاخدش معاكى ولا ذره
كت قد أيه جنازه حاره !
لما عقد الفل المرسوم ع الفستان
شموه ولقوه متسمم ..
من هوا التكيف .

فنجان قهوه ..
وسيجاره ما بتشريبيهاش
و لا طبعا بتحطيها ورا ودنك
كفايه الحلق اللى بيسموه .. سولتير
اللى احتفظت بيه أمك من ميراث جدتها
أيام ما كانت شغاله عند مدام السفير
وحاشا لله ما كانتش سرقه دا اعتبرته تذكار
أما العقد .. فمش ممكن حد يصدق أنك لقتيه بالصدفه
على فرشه راجل غلبان بيقلب رزقه ف موقف شبرا
وبتلفتى تاخدى الشنطه :
شيك ورقيقه وبعشرة جنيه م السيده
بقصعه يمين وقدها بالظبط شمال مع تطويحه شعر خفيفه
تضطرى طبعا بعدها ترجعى القصة
مشهد حقيقى بتعرفى تسبكيه
وبتغرى وترفعى رجلك ع التانيه .. قصاد الكل

طبعاً يا ست ما دام الجزمه جديده.. ولميع وبيوز
ليكى حق يكون قلمك فوشيا
له سن رفيع وطويل
شايف نفسه على ورق الزبده
وبخط الهوامالى أزدل من خطوط العباقره..
بتنقشى.. ولما أعرف ترسمى
ولا فيه أبه ممكن عمله على الورق..
غير المراوح!

تيك تيك تيك تيك ...
تيك تيك تيك تيك ...
كعب عالي رايع جاي
القَصيره والطويله
والست الكبيره تش تش تش
لابسه كوتش
والست اللى بتعرج تش تش . تش تش
كعب رُفيعٌ ولا تخين
بأقدر من كتر ما باسمع صوته أميز جسم صحبته
وأفكر نفسى
كام واحد حيونى ؟
وانا لابسه كعب ٣سم
وكام لما كنت بنوته بكعب رفيع وعالى .. على قوى ؟
وشى عمال يتغير

يحمّر ، ويصفّر ، وكثير يسود
لحد ما عقد على حاله
جه الوقت الى أدور فيه على
آه لقيته
وكأنه بيتصنت معايا ع السيمفونية بص لى
واسترجع فى وشى كل اللى فات
فاتت عنيه بسلام من على وشى
وبدا يفحص ف الباقي
خبيت رجلى ورا الكرسي
ليشوف صوابى اللى طلين من جزمه . .
ما لهاش كعب .

لما داخت اللمونة . . دحرجتنى
ليبت وبنّت وواد حنين
ويجوز لأنى صغيرة
مش عارفة أعد الشعر الابيض
ويجوز طلع لى بالنام
ما باخدش بالى
ولا الحجلة واخدانى ؟
برجل واحدة بين خطوط مربعة
تشبه أود بيتى
وحدة جوزى فى الخناقات
دايما يلقانى سوسو
وافتحوا لى الباب ده
البنوته كبرت
طب افتحوا لى الباب ده
باقعد ف نص الدايره . . وأتوه
بين رجلين صغيرة بتلف حويله
مشبكين إديهم على رقبتى
والنهار قرب يروح

والرجول . . لبست صنادل بكعب
وجزَم بوش عريض
فساتين كلوش . . وطويلة ومحرقة
والدايرة قاعدة تضيق
فى كل لفة بتنقص واحدة
لحد ما فضلوا اثنين . . لأ واحدة
كنت أنا . . طابقة على رقبتى
ومشبكة ايديا فى بعضيهم
مستنية لما تفتح الوردة

ما فيش أحلى من إنك تغرق مع بذرة مانجايه كبيرة
والقشر يحوط دقنك وشفافك
تغسلهم بالبهاريز اللى ف أول زادك
وتلغوص صدرك ولا طفل رضيع
عينك تبرق ..
وكأن همومك فجأه انزاحت
معقوده اديك .. وترفيهه رجلك
مع حزمه متعه متكوم جواها
يعكس فارها على خدودك ذهب
عبي الكنوز وإلحس ..
كل اللى ف نفسك أعمله ما دمت وحدك
استحمى بشهوتك وبشقاوتها اما بتتظفلفط
نجحت أهى تستدرجك ..
لعالم فشلت تحطك فيه القوى العامله ..
ومباريات كرة القدم والا انتخابات ..

والرأى العام اللى ما عمش
قدرت حقيقى تغرقك بصفات
صامت ، متيس ، كمشان ، متاخذ طماع
طمعك غير شرعى
وما فيش أحلى من كده

صاحبي قوى الحمام
بأعرف أبكى فيه . . واستخبي بين ضلوعه
مستحيل . . يقفل فى وشى الباب
ولا يفتن عليه لحد
بسمعنى حتى لما باوشوشه
ويشوفنى فى كل الاوضاع . . ولا أنكسفش
أعصابى تهدى بميته
وتهدينى للمشورة التمام
ترقطط معايا لما بافرح
هو بيتى وملادى
أمى اللى مادقتش حضنها
بتنى اللى بأخاف أحبها
وأنا كل لحظة بين وبين
زى تنقيط الحنفية الخربانة
مع أنها نازلة فى نفس المكان ع الأرض
إلا أن ليها كل مرة شكل

وصوت جديد
بيعذبني ، لكنه مونس وحدتي
والريحة اللى بتخفني
هى اللى عارفانى... لسه باتنفس
وكأنى موجودة

كان ليه حق
أكرهك فى عز ما بتجنبى
وأشك فىك
واتهمك بخيانتى
أحسد جيرانى على الخفاق
والفقر والحاجه
والديون اللى بتخرجهم يصبحوا عليه
كان ليه حق
أكون فى حضنك وأبكى خوف
أعكزن مزاجك بسيره ما بتحبهاش
أعمل خضار مابتقبلوش
أأكلك رز بايت
وطبيخ قردىحى
وأشيلك هم المصروف ..
اللى انا مخيباه
إكرهنى بقى ..
عشان الموت مايبخدش إلا المثالى ..

خونى
انسى صورتها فى جييك
أى صورہ تخلىنى أشك
موت . . على كتفك شعريه صفره
وتحت باطك ريحتها
إغلط فى اسمى
عائزه افتكرت بالغلط
خائفنى
سبنى فى اخلاقى
حط صورتى بظهرها على مكتبك
قلل من شأنى قصاص سلايفى
اسخر من طريقتى فى الكتابه
لوحصلت تقطع أشعارى
وبالذات القصيده دى
لعلها النذير الشؤم .

النهارده وبعد اربع سنين جواز
قصدي حب
اتكلموا عنك قصادي
ورجعت بنوته
جسم فاير تحت طريق مليون شجر
خطفت بوسه وإديتلك ألم
وقعدت ائنب نفسي واقول
ياريته يحاول تاني . . والله هاسيبه
بين كفوفك صوابعي ياما نملت
و إتمرغت وسط العرق

وكانها بتصلى تغسل ف الذنوب
ياه
لو ربنا فى اللحظة دى .. يذكر لى كل الذنوب
تفضل إيدى فى ايدك
مش أفوق ..
و ف إيدى دفتر دروس
و ف إيدى الثانية .. شنطة حضانة البنت وكيس
ضار حازر على دبلة جواز

أحلى ما فى الوحدة
تدليك فرصة لأحلام اليقظة
تكلم نفسك ف مرايه أو حتى قصاص مكتب
كان حلم حياتك يبقى ف هيئه
ادامك ورق ومقلمه وجوابات
وموظفين يخافوك
وساعى بيعبرك من وقت للتانى
وناس تستأذن قبل ما تدخل
ليك خصوصياتك مش ممكن حد يخرishها
حتييتك ما فهوش مناور تسمعك سر الجيران
كلمه «سعيدة» وبس ف أسانسير مليون برفان
تطلع تحلم بحبيتك .. وتعيش وياها أحلى الأوقات
وأنت مبرق عينك .. تعمل ما بدالك
لايراقبك حاسد ولا مقهور
ولا بيضايقك بيعاع فل وشيكولاته وكوكا كولا
أنت وهى وبس
تشطر ياما على شيطانك
ولا تستعجلش اللحظة يعكرها

كل اللى نفسك فيه تلقاه
وكانك ف الجنة
لازم تقنع نفسك أنك ف الجنة
وإلا ح يلبسك والعياذ بالله . . .
واقع

فرصة هاتى القلم واكتبى
القلم ضايع
ودرج المكتب مليان تراب
وباكراه رنين غوايشى تحت حنفيه ميه ما بتهمدش
من تشطيب المطبخ
والكتب متحنطين على الرفوف
عاملين زى براد الشاى لما تغلى فيه الميه وتطقق
كأنه هيفرقع . لكنه واقف صلب
والورق كان فى الدرج التانى من خمس سنين
أكيد لسا موجود
مجرى الأدراج صدئ
- فيه صوت بيقرب
وكأن حد حينده
دايما فيه ناس ف البيت
كلام ورغى . . صراخ عيال
ريحه طيخ ، تليفزيون
تليفون . منبه رتيب
حتى وقت الهدوء يقتل فراغك
يفكرك بأوقات الزبطة

وبدايه ساعات الشقا
وشقاوة . .
تخرب أى جهاز
يجلب صنايعى يدق
يمخرف نافوخى
تشة ملوخيه
صوت السكين إما يقطع بايقاع منظوم
يوصل سرحانى ببعضيه
لما أتخيل وأنا باقطع شريانى . .
حيعمل نفس الصوت ؟
صوت الرز إما بيتشرب
والتحمير
صك الكوييات فى بعضيها
معقوله أنا لوحدى كل الساعات دى
معقوله ماحدث هيرن الجرس
ولا فيه خطوات على السلم
بسرعة هتخلص المده
وهارجع أتشتت فى الأصوات
اللى تخرج منى قصايد ... صُم

كتاب مقموص . رفوف . مكتب . ورق مقطع . سلة
وشه ع المكتب وقفاه ليه
وكانه زِعِل لما ما خلصتهوش
ورق مدبس
قلم مصلوب فى مائة ...
منفوخ فيه مطرَح صوابع
مستنى حد يفشه
شعرى منكوش
عنيا سارحه
حواجبى طالعة لفوق
وكانى فى طريقى لفكره ...
لسه ما مسكتهاش
قاعدة لوحدى ف نور خافت
شباكى بيطل ع السما وقت الغروب
والبحر ف دموى .. لو عايزه أستدعيه

الكورنيش محرومه أشوفه
وده أدعى سبب للكآبة
متخافقة ع الريق
مكتنية
فيه أيه تانى؟
ممكن يخلينى أكتب
بعد ما ضبطت نفسى
وأنا مستمتعه .. بالوحده

بأنده ع اللى ف عاشر دور . . وكأنه قريب
وان طلوا جيرانى ببقى فضول
زى الجوافة
ريحتها بتفضل تلاحقنى على بعد أميال
وكأنها وحمة ف وش ابنى الجاى
بأشتهيها . . وأتمنى أبعد بسرعة
صفرة — بس ما تشبهنيش
فجة . . زى المحبة من طرف واحد
لاهى لما بتبقى قديمة بتحلى
ولا تنفع تبقى بشاير بكر
بتكمكم ريحة الأكل ف التلاجة
وبتقلب ف كيان المية
وحستها الدائمة
أنها بتسيب أثر ف البق

ما سألتش نفسك ليه ؟
كل ما تيجى تقرب خطوة .. بتهرب من تحتك فدادين
تمسك طرف النور باديك الأثنين .. تفتح بقك ع الآخر
يتاخر نورك يبيخيال ع الحيط
خايف ؟
وبتفرش حضنك تانى !
تشاور للصبر يجيلك
للضحك يجيلك
كل الفراغ والبرد والحسرة
واقفينك على ناصية روح أتوب
ورا صاحب خاين وحيبيه بتتكبر على ففرك
وطليقه ورا الثانية .. اما اتعودت على بهجة الفرقة
خلقتك براح .. يا اخى
تعبى وتدللق .. وياريتك طماع
لساك بتحب التين !
لساك صابر !
لساك بتبص ف عينى بتفهم !
تسمع نبرة صوتى تقول يالطيف !

مش فادرة ليه .. أنفض عروقي من مشاعرك
أكرهك... وأخلص ؟

مثنى من حقك

67

مش من حقك تضاييق
لازم تفضل فرحان ومزقطة
وتبذل قُصاري
حزنك خساره . . بييجلب مذلّه
ومش من حقك تجلب حاجه
ولا حتى تنقص من الموجود
حتى ولو كيله
إيه رأيك فى معادلة نكته
كان مره واحد مكتتب + كتيب
+ كآبه خام
تفتكر ها يساواوا إيه ؟
ضحكه بملو البق وسع الفك
لحد ما تتكتك سنانك
ده حتى ضحكك خانك
يا هل ترى تقدر تحاسبه ؟
ولا ده راخر مش من حقك؟

إلى مجدى حسنين ، مجدى الجابرى ،
صلاح عزازى ، محمد
يلعن أبوك تراب

شفناه يوم الأربعاء
كان لسه معانا ع القهوة بيضحك
ما بيشتكيش من أى حاجه
ولا عمره راح للدكتور
إن كح . يقول من الدخان
وأما بيعطس . . مش فاضى يفسرها
يكتب للموت
وكأنه يحضر روح تجيبه
بيكتب زى البشر
ولنفس الأسباب
مافيش جديد
غير أنه عايش حياته بطولها ويعرضها
وهو مش عارف ... أنه متراقب
من خرم أكرة كتاب فتحها فى دماغه
لما فك رموز الموت
وفَضَحَ له أسرارهِ
واخِذ مِن قِبلِهِ ؟
كل اللى حنولك ؟

ومين اللى فاضل ؟
صحابهم ولا شباب زيهم ؟

زهقت م العواجيز ؟
ولا بترحم دول من عجزهم بدرى ؟
خمسة فى سنه واحدة !
وكلهم أصحاب !
ياه . . يلعن أبوك تراب
مزاجه عالى
وشوقه ما يتوصفش
يحدفه على أحلى واحد
بشكل ازمه أو خبيث أو حادثه
كلى — كبد — وربما كحه
ماعمرناش سمعنا عن واحد كح ... فمات
خبينا منه يا رب ونعوذ بك من كل زاحف
وكل طفل يشب

تلات قطط واقفين يراقبوا القطمة
ف بق بواب قاعد على الدكة
يلاخى منهم . . وتزوغ عنه ف الفضأ
يلقى الطيور هى كمان بتزوم
يبص يمين على سلم رخام
عنه تشد للبدروم
باب خشب مكسور ومتهالك
ذى عضامه اللى دابت م القعدة والمشاور
مش راضيه عنه ثبت ف مكان
والقطط واقفين طابور
لا بينونوا ولا حتى بيزموا . .
مسلمين أمرهم لشهوة الفرجة
بكل أدب وبدون ضربات ديل بيستعد للهجوم
وقفوا كما المدفع
وباين من وقفتهم أنهم عيلة
أم ضرتهأ ناشفة
والصغير زهقان م الشفقة الخاف
أما التالت نفخة بطنة وطمع عنه يقولوا أنه مش أبوهم

وحتى لو كان . .
أهو واقف معاهم بنفس خيبة الأمل
كل اللي يملكوه رغبة
والبواب . . على قلبه حجر حطينه ميت قطة بينهشوا ف بطنه
معركة وتميلي محسومة . .
لصالح القمة .

كل ما أبداً أقرا
آيات الرزق تنساني
أبعد عنها شيطاني
بكام تعويذه وكام آيه
(الواقعه وما أدراك ؟)
قلبي يقع من هول ما بتذكر
كام شهر الإيجار مكسور ؟
ويقد إيه الميه والكهربا ؟
والاكل والشرب والذي منه ؟
(ولدان مخلصون)
ذنبهم ايه العيال
يباتو من غير عشا
يتحرموا من المصروف تلكيك
على غلط ماعملهوش
(جزاء بها كانوا يعملون)

(نحمد ربنا على الماء الذى تشربون)
(وما تزرعون ،وما تحرثون)
ونسبح باسمه العظيم
خالق الناس درجات
واللى مالىين بير السلم كثير
قاعدين يستغربوا
ليه الناس بتسرق بعضها
فى السر.... ؟

